

唐御史臺精舍題名考

唐御史臺精舍題名考卷三

仁和趙鉞
勞格同撰
歸安丁寶書參証

碑陰下層題名

周口

韓賞

見郎官戶外又右稜又右側侍御兼殿中

王維

見郎官吏中又右稜左稜又右側侍御兼殿中陰

舊文苑傳下歷右拾遺

監察御史左補闕王士源孟浩然詩集序侍御史京

兆王維等與浩然為忘形之交

校本

又有留別王侍

御詩

同上

元搆 新表元氏綿州長史平叔子搆弟搆太常博士

元和姓纂二十元觚十一代孫搆謙兼御史 舊韋堅

傳天寶二年四月以水陸轉運使判官元搆除監察御

史 又李林甫傳子壻元搆爲京兆府戶曹 新傳林

甫諸壻元搆等皆貶官 石刻鄭虔華嶽題名有主簿

常冀見郎官元搆 開元二十三年 陝西華陰

豆盧友 見郎官 舊韋堅傳天寶二年四月以水陸轉運

判官豆盧友除監察御史 五載十月監察御史豆盧

友坐堅累貶富水尉 新韋堅傳監察御史豆盧友反

從坐韋堅罪免官被竄

康瀾又見下

梁沅

楊惠 舊韋堅傳天寶五載十月監察御史揚惠坐堅累

貶巴東尉 吳興志楊慧至德元年自奉元縣令授免

官統記云乾元二年遷杭州刺史

原注慧一作惠

盧絃

蔡九臯 又右側侍御兼殿中

盧執□ 疑是執顏執顏見郎官戶外又右側侍御兼殿中又陰額知雜

羅希□ 又右側侍御兼殿中 舊韋堅傳天寶五載十月使監察御

史羅希夷殺韋堅 新傳同

于履口

許論 新表安陸許氏右金吾大將軍輔乾子論監察御

史

姜紹口

楊釗

見郎官度中又右側貳又陰額知雜

會要

五十

天寶四載八月殿中

侍御史楊釗充司農出納錢物使 舊楊國忠傳本名

釗天寶初由劍南節度賓佐擢授監察御史

崔寓

見郎官吏中補又右稜陰左稜又陰額知雜

舊楊慎矜傳天寶六載十

一月殿中侍御史崔寓引楊慎名今河南法曹張萬頃

宣勅賜白盡

案是時寓蓋分司東京

源少良

見郎官勳外又右側侍御兼殿中

石刻源少良等題名監察御

史源少良陝縣尉陽陵此郡太守張守信天寶六載正

月二十三日同遊

浙江錢塘

韋鎰 舊元載傳天寶初監察御史韋鎰充使監選黔中

引爲判官 紀聞監察御史韋鎰自貶降量移虢州司

戶參軍卒

廣記三百三十二

王璵

見殿中又右側侍御兼殿中

楊日休

見郎官祠外又右側侍御兼殿中

張惟一

見郎官戶中又陰額知雜

賈彥璋

又右側侍御兼殿中

元和姓纂

三十馬庫部郎中賈彥璋陝

郡人

宋少貞 獨孤及唐故祕書監贈禮部尙書姚公子墓誌

銘開元二十九年詔立黃老學親問奧義對策者五百

餘人公與廣平宋少貞等十人以條奏精辯才冠等列

毘陵集 文苑英華五百九 宋少真有對聚徒教授判

楊諫 新表楊氏戶部侍郎慎矜子見左 諫岳州刺史

國秀集下 有永樂丞楊諫詩一首 文苑英華十載 楊

諫新渾儀賦玉海四開元十八年進士試新渾儀賦則諫當卽是年進士也

鄭毓 顏真卿讓憲部尙書表恩勅先超授吳郡司士鄭

毓樂安郡太守令於江淮兩道度僧道取錢與臣召

募士馬令應接河北

顏魯公文集二

胡

□□

碑中嵌入題名

按當在宣懿時

鄭愚 舊懿宗紀咸通三年以邕管經略使鄭愚爲廣州

刺史充嶺南東道節度觀察處置等使咸通中鄭愚自

禮部侍郎鎮南海 新陸希聲傳商州刺史鄭愚表爲

屬 唐詩紀事

五十

咸通八年鄭愚下鄭洪業第一入

擢第 玉堂遺範授鄭愚嶺南節度使制邕南地介蠻

鄉甫新戎號外虞連歲創痍焚劫之餘上將開藩兵甲

繕完之始中權所寄愼固尤難用迴攘接之仁往整律
竭之旅某官鄭愚貯疑自郅堂率秀儉府增華霜署諫
垣聯翩羽翰郎曹史館洋溢聲光益部播戎率之功商
嶺著條刺之跡博治強志居無流心遠畧精能動有餘
地日者熟其業用委以察廉果能宣布惠和講求利病
纔報下車之政已蘇閩境之人發爲歌謠流滿道路朕
以朗寧地分零桂共控夷蠻將以重城鎮於兩江壯服
領於西道俾崇旌節用固疆陲而屬統馭有乖拊循生
變戎章旣失城守已離宜得通敏之材以敷勞徠之旨
是用輟於鄰部授以軍麾載觀易地之能俾服揚旌之

貴既懋師節仍長憲臺勉承顧遇之榮佇觀輯柔之績

可守邕州刺史兼御史大夫充嶺南西道節度觀察處

置等使散官勳封如故

文苑英華四百五十三

新書藝文志

丙部

了錄道

棲賢法雋一卷僧惠明與西川節度判官鄭愚

漢州刺史趙璘論佛書

石刻崔瑗

上缺

判戶部事上柱

國賜紫金魚袋魏公先廟碑銘稱門吏左補闕鄭愚

陝西

金石錄目錄

大中六年十一月

薛誠

二人書在并序二字之下

見郎官戶外

鄭韜會二十七日寓直

九字二行左行在撰文字下

崔嘏授鄭韜殿

中侍御史制勅監察御史鄭韜御史府三院轉遷雖曰

彝制至於用捨進退亦繫於一時之事迹以韜立志甚
賢居官稱職霜簡在手風標竦身其長吏言請用遷陟
班我殿內升爲近臣屈軼神羊無怠前志可依前件

文苑

英華三百九十五

韋退之

見郎官左中

杜牧韋退之除戶部員外郎等制朝議

郎行殿中侍御史韋退之嘗厯憲臺久居官次性旣安

靜事皆達練

樊川文集十七

馮緘

見郎官戶中

薛耽

三人書在銘末

新表薛氏西祖房存慶子耽字敬交東川

節度使

舊懿宗紀咸通元年十二月以中書舍人薛

航權知貢舉

趙叔送薛耽先輩歸謁漢南詩

文苑英華二百

一八十

李翔卓異記座主見門生知舉李景讓薛航

景案

讓傳開成五年選貢士
航當卽是年進士也

庚午歲

三字在開元字之左

碑左稜題名

口杜

王叔達

又見下

王翼

見監察又左側

李志遠

見郎官吏中

新傳由鴻臚主簿擢監察御史裏行

章仇兼瓊

見郎官主外

孫逖授章仇兼瓊主客員外郎制勅

殿中侍御史章仇兼瓊頃逾沙磧能正糾繩與國利於
懸車振朝威於絕漠甄其績用宜遷禮閣之榮寄以澄
清仍受憲臣之任可尙書主客員外郎餘如故

文苑英華三百

一九十

吳鞏

見監

太平寰宇記

六

關龍逢墳在靈寶縣西南七

里開元十三年立碑舍人吳鞏之詞

韋恒

見殿中 監 察又左側見

邵口

王叔達

見上

楊慎矜

又右稜又左側又右側侍 御兼殿中又陰額知雜

新表楊氏太府卿戶

部尙書崇禮子慎矜戶部侍郎 舊食貨志開元中楊

崇禮致仕以其子慎矜爲御史專知太府出納 舊傳

開元中爲汝陽令擢監察御史

新傳同

達奚珣

又左側

撫言一有張楚與達奚侍郎書云其爲御

史也密視臧否糾遏姦邪又云公遷侍御僕忝起居

房自厚

又左側

文苑英華

五百三十七

有房自厚對佯狂讓弟

判

趙陵陽

又左側

文苑英華

五百七

有趙陵陽對燕弓矢舞判

周子諒

又左側

舊元宗紀開元二十五年官監察御史上

書忤旨播之殿庭朝堂決杖死之 舊牛仙客傳監察

御史周子諒竊言於御史大夫李適之曰牛仙客不才
濫登相位大夫國之懿親豈得坐觀其事適之遽奏子
諒之言上大怒廷詰之子諒辭窮於朝堂決配流瀼州
行至藍田而死 舊李林甫傳監察御史周子諒言仙
客非宰相器元宗怒而殺之

常從心

又左側

文苑英華

五百一十一

常從心有對持論攻擊判

韋芝 舊韋堅傳天寶五載七月堅弟兵部員外郎芝等
並遠貶十月使監察御史羅希夷逐而殺之

康淵

無考

鄭欽說

又右側

新儒學

下附

趙冬曦傳開元初繇新津丞

請試五經擢第授鞏縣尉集賢院校理歷右補闕內供奉雅爲李林甫所惡韋堅死欽說時位殿中侍御史常爲堅判官貶夜郎尉卒 異聞記欽說自右補闕歷殿

中侍御史

廣記三百九十一

舊韋堅傳天寶五載十月殿中

侍御史鄭欽說坐堅累貶夜郎尉 李吉甫有編次鄭

欽說辨大同古銘論文稱欽說自右補闕歷殿中侍御

史爲時宰李林甫所惡斥擯於外

文苑英華

韋叔將

見郎官勳外

許遠

又右側侍御兼殿中貳

新表許氏右羽林將軍望子遠侍御

史睢陽太守

新張巡傳至德二載詔拜睢陽太守許

遠侍御史 舊忠義傳 下元宗召見拜睢陽太守累加

侍御史本州防禦使 新傳同

沈震

見郎官金外又右側侍御兼殿中

令狐岵顏魯公神道碑銘前殿

中侍御史沈震等各抒器能參贊戎務 殷亮顏魯公

行狀玄宗以公爲戶部侍郎依前平原太守充本郡防

禦使以前侍御史沈震爲判官 顏魯文集附錄

鮮于仲通 見侍御

蔡希周

又右側侍御兼殿中

新書藝文志

別集類注

殷璠彙次曲阿人

監察御史蔡希周等十八人詩爲丹陽集

張口

碑右稜題名

劉幼復 寶刻類編五 東京福唐觀鄧大師謁李邕撰劉幼復書元

和元 年建

崔寓見陰下層又陰左稜又陰額知雜

姜超羣

呂述見郎官祠中補

殿中趙廣微見郎官主外又陰左稜 陰右稜

李儼見郎官倉外又陰左稜 陰右稜 權德輿李公銘墓誌銘列考儼

歷監察御史殿中侍御史權載之文集二十五

元孝綽又陰左稜 陰右稜 元和姓纂二十元祐曾孫孝綽梓州

刺史河南洛陽縣人

王元瑾

見郎官金外
又陰左稜

皇甫侁

元和姓纂

十一唐

皇甫仲玉生侁尙書左丞樂陵

人

柳渾傳至德中爲江西採訪使皇甫侁判官新

永王璘傳璘軍敗奔將南走嶺外兵追及之戰大庾嶺
中矢被執侁殺之送妻子至蜀肅宗曰皇甫侁執吾弟
不送之蜀而擅殺之何耶由是不復用 舊肅宗紀至

德二載二月永王璘兵敗奔嶺外至大庾嶺爲洪州刺

史皇甫侁所殺

顏真卿東川節度使杜公

濟

碑皇甫

侁採訪江西奏公爲推官

顏魯公
文集八

李白武昌宰韓君

去思頌碑本道採訪大使皇甫公伉聞而賢之擢佐輶

軒

李太白文集三十

梁肅鄭州新鄭縣尉安定皇甫君墓誌

銘尙書左丞伉之愛弟

文苑英華九百六十

李之芳

又陰左稜又右側侍御兼殿中

新表蔣王房左武衛將軍蔡國

公承祖子太子賓客之芳

舊蔣王惲傳之芳幼有令

譽開元末爲駕部員外郎天寶十三載安祿山奏爲范

陽司自跋歸西京授右司郎中歷工部侍郎太子右庶

子北海太守李邕登歷下古城員外

草堂本有孫字新亭詩

吳若本注云本傳云天寶初邕爲汲郡北海君太守時李之芳自尙書郎出爲齊州司馬作此亭

孫

逖送李侍御之芳黔中掌選序頃者持斧河朔獨拔專

城明罰飭法所向風靡是以有黔中之往倬脩河朔之

政文苑英華七百十九四川成都志一十至德三載李之芳以黃

門侍郎知蜀郡軍府事充劍南節度採訪使

李彥超見郎官戶外又右側侍御兼殿中

周德遠又陰左稜

韓賞見陰下層又右側侍御兼殿中

王維見陰下層又陰左稜又右側侍御兼殿中

柳□

□□

胡男倩見郎官考外又右側侍御兼殿中

王曾 舊酷吏吉溫傳天寶五載以著作郎王曾等就臺
鞠數日獄成杖死積屍於大理寺 新元宗紀天寶五
載殺著作郎王曾 舊紀天寶五載著作郎王曾等爲
李林甫所構下獄死

蔣思之

又陰左稜

□瑄

□□

碑陰左稜題名

王維

見陰下層又右稜又右側侍御兼殿中

趙廣微

見右稜又陰右稜

李愔

見右稜又陰右稜

元孝綽

見右稜又陰右稜

王元瑾

見右稜

皇甫仇

見右稜

李之芳

見右稜又右側侍御兼殿中

宋口

王縉 新表河東王氏汾州司馬處廉子尚書左丞維弟

見吏中 縉字夏卿相代宗 舊傳連應草澤及文辭清麗

舉累授侍御史武部員外

崔寓

見陰下層又右稜又陰額知雜

劉芬

又右側侍御兼殿中

蔣思之

見右稜

周德遠

見右稜

成同

孟匡朝

見郎官左外

盧播

見郎官左外

張□

□□

杜□

碑陰右稜題名

楊慎矜

見左稜又左側又右側侍御兼殿中又陰額知雜

姚闕

舊姚奕傳天寶元年右相牛仙客薨姚奕男闕爲

侍御史仙客判官見仙客疾亟逼爲仙客表請以奕及

盧奐爲相代己其妻因中使奏之元宗怒闕決死舊

牛仙客傳開元二十四年牛仙客爲朔方軍使以姚闕

爲判官及知政事闕累遷侍御史自云能通鬼道預知

休咎仙客頗信感之天寶元年仙客疾甚闕請爲祈禱

在其門下遂逼仙客令作遺表薦闕叔尙書右丞奕及

兵部侍郎盧奐堪代已闕爲起草仙客時旣危殆署字

不成其妻因中使來弔表上元宗覺而怒賜死孫逖

授姚閎監察御史等制勅朝議郎前行同州司法參軍
關內道採訪度支使上輕車都尉蕭縣開國男姚閎等
砥名勵節博藝多能或嘗佐召臣以清關輔或頃諧宮
職見美朝端度才而升舉善以勸俾同官於察視宜並
拜於丞郎可依前件

文苑英華三百九十五

崔冲

又左側又右側
侍御兼殿中

新表清河大房挺五世孫冲少府

少監

梁肅鄭州原武縣丞崔君夫人源氏墓誌銘原

武之伯父冲嘗爲刑部郎中

文苑英華九百六十六

李麟

見殿中

新書曆志開元二十一年詔侍御史李麟太

史令桓執圭較靈臺候簿

董琬

見監察
又左側

姜立祐

見監察
又左側

劉濠

陳繇

見監察

鄭昭

見郎官
封中

呂周

見郎官金
外又左側

孫逖授呂周侍御史等制勅行殿中侍

御史呂周等體資忠厚器韞通明能兼飾吏之文更有

過人之實並膺明選克振朝綱宜展才於草議俾遷榮

於執法可依前件

文苑英華三
百九十四

明虛已

張景淑

又左側

蔣冽

見郎官封外又右側侍御兼殿中

孫逖授蔣冽等監察御史制勅

朝議

一作通直

郎行大理評事蔣冽等修身有裕從事惟明

標麗則於文場效公清於吏道方期遠致必籍兼才宜

膺刈楚之求俾叶持繩之寄可依前件

文苑英華三百九十五

王佖

見郎官戶外又右側侍御兼殿中

蔣演

又右側侍御兼殿中

古今姓氏書辨證

七十

唐吏部侍郎大

理卿蔣欽緒

見吏外補

生演兵部員外東萊膠東

當作水

人

舊良吏蔣沆傳與兄演溶弟清俱以幹局吏事擅能名

於天寶中

新傳同

舊忠義

下蔣清傳與兄演等知名於

時

鄭審

見郎官吏中又右側侍御兼殿中

羅文信

又右側侍御兼殿中

會要

五十

開元二十五年二月監察

御史羅文信充諸道鑄錢使

宋范致虛黃石山仙翁

觀記唐開元中隸唐州之方城縣刺史崔志廉縣令羅

文信以歲旱嘉雨應祈肇新祠宮西平縣令姚震爲之

頌刻石祠宇事載舊聞

河南通志

賈賁

新張巡傳單父尉賈賁率吏稱吳王兵擊宋州張

通晤走進至雍丘淮陽囚殺守者迎賁等入吳王祇承

制拜監察御史令狐潮還攻雍邱賁趨門爲眾躡死

新紀天寶十四載十二月單父尉賈贇等以兵討安祿

山十五載二月賈贇戰於雍邱死之

趙廣微

見右稜陰左稜

李愔

見右稜陰左稜

元孝綽

見右稜陰左稜

碑左側題名

郭佺

見殿中監察貳

郭虛己

見侍御殿中監察貳又見下

李昂

見侍御殿中監察貳

盧茂伯

見監察貳又見下

賈昇

見監察又見下

盧見義

見侍御殿中

顏允臧

顏真卿朝請大夫行江陵少尹兼侍御史荆南

行軍司馬上柱國顏君神道碑銘君諱允臧字季寧京

兆長安人自延昌令肅宗聞君誠至德初追赴彭原行

在所拜監察御史賜緋魚袋遂承任使推劾不避強禦

中官邢延恩等皆得罪焉尋充朔方兵健衣資使郭公

子儀請爲判官二年秋八月遷殿中侍御史真卿表謝

肅宗批答曰卿昆季連擢才聲並振俱守寒松之操允

執後凋之心久冒艱危大知難奪委以憲臺之長克申

白簡之威厥弟之遷亦爲官擇宜相勸勉各樹能名當代榮之京城收與崔禕銜命宣撫都人大悅出爲櫟陽令遷侍御史以當爲郎以兄在南省君遂撝揖牢讓轉大理正寶應中復拜侍御史兼太子中允廣德三年冬十月拜江陵少尹又兼侍御史荆南行軍司馬 石刻顏惟貞廟碑銘君生第八子允臧敦實孝悌有吏能制舉延昌令監察充朔方衣資使殿中三爲侍御史中允江

陵少尹荆南行軍

陝西西安

康雲開

舊書食貨志

上

肅宗建號於靈武後用雲間

有

誤

鄭叔清爲御史於江淮間豪族富商率貸及賣官爵

以裨國用 廣異錄乾元中監察御史康雲間爲江淮

度支

廣記四百三

鄭宏之

見嚴中

王璿

見監察又下見

張利貞

見監察又下見

袁楚客

會要七十

開元元年直言極諫科袁楚客及第

緯畧作二年

新魏元忠傳神龍中魏元忠輔政天下傾望

冀幹正王室而稍憚權倖不能賞善罰惡譽望大減陳

郡男子袁楚客以書規之 新禮樂志元宗卽位命寧

王主藩邸樂以充太常倡優之技有諧謔而賜金帛朱

紫者酸棗尉袁楚客上疏極諫 吳兢傳上疏元宗曰

陛下初卽位猶有緒無量張廷珪韓思復辛替否柳澤

袁楚客上疏爭時政得失 李邕秦望山法華寺碑朝

散大夫前侍御史今都府戶曹袁公名楚客其皎如日

其心如丹頁兼濟之雄才託演成之雅意會稽掇英總集十六案碑

無年月金石錄目錄六云李邕撰并行書開元二十三年

徐履道見監察又下貶

元又下貶和姓纂六十天寶有刑部郎中元脫雲將

字燉煌人 孫逖送遂州紀參軍序遂州參軍紀公吾

友雲將之令弟也文苑英華七百十九案序云周公之胤紀爲其首案左氏經隱七年凡伯

集解汲郡共縣東南有凡城釋文作汎城音
汎從汎汎古通用可證今本作紀之誤

李融見郎官
戶外

郭虛已見重

李常見郎官
戶中

蘇頲授姜昂右司員外郎制勅尙書金部

員外郎姜昂殿中侍御史李常等勵節脩身敏才通識

金曹典事頗效精勤白簡繩違久聞堅正皆能奉職宜

稱遷升昂可尙書右司員外郎常可行侍御史散官勳

如故文苑英華三
百九十一

孫逖授李常殿中侍御史制勅朝

散大夫行河南府陸渾縣令李常等堅白持操通明效

官彰吏跡於神州著公方於近縣秉憲之職惟方是與

俾諸會議用肅具察可依前件

又三百九十五

李暉

見監察又見下

韋恒

見殿中左稜又見下監察

裴敦復

見侍御監察

裴曠

見侍御監察

馬元直

見監察

許誠

見監察又見下

常無欲

見監察

李觀

見監察

苗晉卿

見監察

王大鏞

見監察

盧茂伯

見重

王靈漸

見監察

賈昇

見重

趙賓

見監察

張具瞻

見監察

獨孤通理

新表獨孤氏鄆令思暎子通理殿中侍御史

潁川郡長史

元和姓纂同

崔祐甫常州刺史獨孤及神道

碑殿中侍御史贈祕書監通理之第四子

文苑英華九百二十四

梁肅恒州真定縣尉獨孤君

正

墓誌銘故殿中侍御

史穎川郡長史贈秘書監府君集無此諱某之少子英華

九百六十

薛忻

見監察又見下

崔譚

見監察又見下

王璿

見重

韋虛舟

見郎官左中

舊韋虛心傳季弟虛舟自御史累至戶

部司勳左司郎中

韋恒

見重

張利貞

見重

蕭諒

見監察又見下

徐履道

見重

張思鼎

見監察
又見下

靳觀

王翼

見監察
又見左
稜又見下

李級

見監察
又見下

張烜

冊府元龜開元十六年五月六日唐昌公主出降

有司進儀注于紫宸殿行五禮右補闕施敬本左拾遺

張烜右拾遺李銳等連名上疏

會要

七十

天寶元年

冬選六十四人判入等時御史中丞張倚男爽判入高

等有下第者嘗爲薊令以白安祿山遂奏之來年正月

二十一日遂於勤政樓下上親自重試惟二十人比類
稍優餘並下第張奭不措一詞時人謂之曳白吏部侍
郎宋遙貶武當太守苗晉卿貶安康太守考官禮部郎
中裴臄起居舍人張烜監察御史宋昱左拾遺孟國朝
並貶官 獨孤及唐故朝議大夫高平郡別駕權公微
神道碑開元十八年考校書判甲乙丙丁科公與徐安
貞王敬從吳鞏裴臄李宙張烜等十學士參焉毘陵集
外王敬從注新藝文志開元禮一百二十卷開元中命張
烜與賈登等撰緝又初學記三十卷張烜等分撰

汜雲將

重見

范正則

金石錄

目錄六

第一千二百唐脩東鎮沂山記

范正

則撰并入分書
天寶元年三月

許誠惑

見重

鄭昉

見監察

魏方進

見郎官戶
中又見下

董琬

見監察又
陰右校

李暉

見重

賈昇

見三

張具瞻

見重

獨孤通理

見重

趙賓重見

張子漸唐會要七十先天二年緝略元年手筆俊拔超越流

輩科張子漸及第同文苑英華五百有張子漸對

習星麻判

薛忻重見

王璿三見

劉遵睿見監察

張秀明見郎官吏外

蕭諒重見

裴藏暉見殿中監察

張利貞三

見

李崗、新宗室表蔡王房河南府法曹士淹子崗不詳歷

官 又吳王房信安郡王禕子左千牛衛將軍崗 宰

相表趙郡李氏東祖房述子恒山府司馬 又司農卿

貞簡子崗成武令

撫言七李絳曾祖貞簡祖岡官終襄帥

續古文苑十

趙居貞春申君新廟記韞軒蒞部十有一日矣猥以薄

材謬承重寄欵自淮服半刺超為江南方伯初余之拜

命表授安喜尉李崗為支使

案末署唐天寶單闕歲除日中散大夫守吳郡太守

兼江南道採訪處置使杜國天水趙居貞崗當是採訪支使也

李澥

見郎官金外

穆員刑部郎中李府君澥墓誌天寶中擢

進士調太子校書以通事舍人轉左補闕監察御史
宗季年逆帥兆亂亂成於寵上莫得聞府君奉使朔
復而露奏其後以直道不可得而親疎爲誅其不附己
者所中配流盧溪郡

文苑英華九百四十三

徐履道

見三

張思鼎

見重

王翼

見重

李級

見重

汜雲將

見三

楊慎矜

見左稜陰右稜又右側侍御兼殿中又陰額知雜

崔沖見陰右稜
又右側

張景淑見陰
右稜

權徹見監
察

姜立祐見監察又
陰右稜

李挺之

房自厚見左
稜

崔譚見重

劉同昇見監
察

杜庭誠見監
察

魏方進見重

呂周見陰右稜

達奚珣見左稜

邢巨又見下唐會要七十先天二年緯畧元年手筆俊拔超超

流輩科邢巨及第開元七年文辭雅麗科邢巨及第畧

同舊文苑中賀知章傳神龍中揚州邢巨以吳越之

士文詞俊秀名揚於上京止監察御史孫逖授邢巨

監察御史制勅前守監察御史邢巨器能通敏詞藻清

新久著令名兼稱利用終喪有禮既及於一有外字除執憲

須才宜居於舊一有府字可監察御史文苑英華三百九十五

李珣見監察

鄭章

見郎官倉外又右側侍御兼殿中

趙陵陽

見左稜

周子諒

見左稜

常從心

見左稜

崔灌

見郎官吏中又陰額知雜

常袞授崔灌湖南觀察使制稱銀青

光祿大夫前澧州刺史兼侍御史義豐縣開國男更於

臺閣達練朝章

庾光先

見郎官吏外

尹中言

元和姓纂十七準

刑戶二部侍郎御史大夫戶部

尚書天水公尹思貞生中言京兆府司錄天水人

徐浩

見郎官金外

李抗

又右側侍御兼殿中賜

新表趙郡李氏安平游擊將軍恪子

抗濛陽司戶參軍

舊王翊傳大厯五年遷容州刺史

容管經畧使嶺南谿洞首領梁崇牽等攻陷容州前後經畧使李抗等皆寄理藤州或寄梧州

王可觀

王鋡

見郎官戶中又右側侍御兼殿中又陰額知雜

舊傳開元十年爲鄆縣尉

二十四年再遷監察御史二十九年累除戶部員外郎

常兼御史新韓朝宗傳天寶初使侍御史王鋡訊京

兆尹韓朝宗舊楊慎矜傳天寶五載侍御史王鋡推

韋堅獄

李丹

見郎官戶中

杜嶠 新表襄陽杜氏陝州司倉參軍參謨子嶠監察御

史

王掄 紀聞監察御史王掄爲朔方節度判官乘驛在途

暴卒十五日復生云至冥司見楊慎矜兄弟訟李林甫

王鉷等月餘乃有邢絳之事王鉷死之

廣記一百二十一

通

幽記天寶十一年朔方節度判官大理司直王掄巡至

中城病死凡十六日而蘇

又三百七十八

杜甫有王十七侍

御掄許攜酒至草堂奉寄此詩便請邀高三十五使君

同到詩

杜工部集十一

又有哭王彭州掄詩略云北部初

高選東堂早見招蛟龍纏倚劍鸞鳳夾吹簫歷職漢庭
久中年胡馬驕兵戈闔兩觀寵辱事三朝蜀路江干窄
彭門地里遙解龜生碧草諫獵阻清霄頃壯戎麾出叻
陪幕府要云云趙云王初官京畿尉當爲宗室女夫爲
侍徒值祿山之亂事元肅代三相出守彭州督罷有封
事於朝上不報嚴武節度東西川提兵而出辟王君爲
幕客

崔翰

見郎官吏中

張重光

見郎官吏中

李鼎 舊崔光遠傳上元元年冬以李鼎代爲鳳翔尹充

本府及秦隴觀察使 舊肅宗紀上元元年十二月庚

辰以右羽林大將軍李鼎爲鳳翔尹興鳳隴等州節度

使 二年二月己未黨項寇寶雞入散關陷鳳州殺刺

史蕭悞鳳翔尹李鼎邀擊之新西域黨項傳同 六月己卯以

鳳翔尹李鼎爲鄯州刺史隴右節度營田等使

薛兢 新表薛氏西祖房華州刺史紘子見金 兢殿中侍

御史 鉞案安祿山事迹載三司獄刑奏有薛曉敏一作未知卽是人否

呂指南 又右側侍 文苑英華 七十 有呂指南太常觀樂

器賦

黃麟

見郎官金外補又
右側侍御兼殿中

廣異記鄧成暴死至地獄判官

乃刺史黃麟

曾崇穎

又右側侍
御兼殿中

元和姓纂

十七登

庫部郎中晉州刺史

曾崇穎河東人

李遇

又右側侍
御兼殿中

新表大鄭王房太僕卿暈子御史中丞

東畿採訪使遇

又蔡王房復州刺史惻子遇不詳歷

官舊李說傳父遇天寶爲御史中丞

新傳同

邢巨

重見

竇顯

新表竇氏三祖房右武衛將軍鎮子顯不詳歷官

崔伯陽

賈至授竇紹山南東道防禦使等制侍御史崔

伯陽可襄陽防禦使餘如故

文苑英華四百九

權德輿唐故

朝議郎行尙書倉部員外郎集賢院待制權府君

自墓

誌銘二京尅復之歲制授醴泉尉尋擢監察御史充河

西隴右宣慰使崔中丞伯陽判官歲中崔復命遷左馮

翊表爲祠曹且佐州師

權載之文集二十五

舊李峴傳乾元二

年鳳翔七馬坊押官先頗爲盜劫掠平人州縣不能制

天興縣令知捕賊謝夷甫擒獲決殺之其妻進狀訴夫

冤李輔國先爲飛龍使黨其人爲之上訴詔監察御史

孫瑩推之瑩初直其事其妻又訴詔令御史中丞崔伯

陽刑部侍郎李暉大理卿權獻三司訊之三司

四字冊府元龜

有與鑒同妻論訴不已詔令侍御史毛若虛覆之若虛

歸罪於夷甫又言伯陽等有情不能質定刑獄伯陽怒

使人召若虛詞氣不順伯陽欲上言之若虛先馳謁告

急於肅宗肅宗二字册云已知卿出去若虛奏曰臣出

卽死上因留在簾內有頃伯陽至上問之伯陽頗言若

虛順旨附會中人上怒叱出之伯陽貶端州高要尉權

獻柳州桂陽尉鳳翔尹嚴向及李暉皆貶嶺一尉鑒除

名長流播州李峴以數人咸非其罪所責太重欲理之

遂奏若虛希旨用刑不守國法陛下若信之輕重是無

御史臺上怒出爲蜀州刺史新傳新表崔文緒孫伯

同

新表

崔文緒孫伯

陽陟

文苑英華

二百十八

有于鵠途中逢陽陟詩

又見二百五十六作

途中寄
楊陟

馬貺

李華

見郎官
吏外補

新文藝傳

下天寶十一載遷監察御史宰

相楊國忠支姪所在橫猾華出使劾按不撓州縣肅然

為權幸見疾徙右補闕

趙悅

金石錄

目錄

第一千三百三十四唐淮陰太守趙

悅遺愛碑

張楚金
撰行書

第一千三百三十五唐趙悅碑陰

王昕撰天
寶十四載

李白趙公西候新亭頌惟十有四載皇帝

以歲之騎陽秋五不稔乃慎擇明牧恤南方凋枯伊四

月孟夏自淮陰遷我天水趙公作藩于宛陵祇明命也
惟公代秉天憲作保南臺洪柯大本聿生懿德初以鐵
冠白筆佐我燕京威雄振肅虜不敢視而後鳴琴二邦
天下取則起草三省朝端有聲天子識而宰衡勳聽殷
南山之雷剖赤縣之劇悅強項不屈下有脫字三州所居大
化咸列碑頌李太白文集二十九滎陽縣紀信碑陰有趙悅字
子豫題名時長安二年官滎陽主簿又天寶四年趙思
廉墓誌子悅歟歷監察御史江陵安邑二縣令全唐文

楊玘

見郎官戶中又右側侍御兼殿中貳

康羽

李彥允

見郎官金中又右側侍御兼殿中貳

李暕

新表大鄭王房淮安郡公琇子

見戶

暕刑部侍郎

舊李峴傳乾元二年詔刑部侍郎李暕等三司訊天

興縣令知捕賊謝夷甫決殺鳳翔七馬坊押官爲監獄

直其事上怒貶嶺下一尉

新傳畧同

會要

六十

至德二載

十二月十五日改鳳翔郡爲鳳翔府稱西京以李煜爲

尹

賈至授李暕宗正卿稱前弘農太守

文苑英華三百九十六

張省躬

酉陽雜俎枝江縣令張汀子省躬汀亡因住枝

江太和八年感夢而卒

文苑英華

五百

有張省躬對

祭星判

沈庠

元和姓纂

四十

武功尉浩源生庠監察御史吳興

武康縣人

定命錄杜華嘗見陳留僧法晃云開封縣

令沈庠合改畿令十五月作御史中丞馮七云沈君不

踰十日經數日沈公以病告苦頭痛忍不堪數日而卒

太平廣記一百四十七

馮損

又右側侍御兼殿中

趙克忠

又右側侍御兼殿中

韋儼

見郎官封中補

新書外戚傳楊國忠當國常領劍南召募

使遣戍邇南歲遣宋昱鄭昂韋儼以御史迫促郡縣召

募

韋之口

李舒

見郎官祠中又右側侍御兼殿中

史口

祁順之

見郎官左外

杜敏金石錄

目錄

第一千三百六十八唐蘄州刺史杜

敏生祠頌

張縡撰史惟則八分書乾元三年五月寶刻類編三同

隴州開元寺

有開元二十七年杜敏經幢序稱國子進士

張瑄

見郎官倉外又右側侍御兼殿中又陰額知雜

會要

五十

天寶二年六月

殿中侍御史張瑄充太府出納使

舊酷吏吉溫傳御

史盧絃先與張瑄同臺情旨素厚

楊口

碑右側題名

侍御史兼殿中

鄭澥

見郎官金中

崔芑

庚午歲

見郎官吏中

唐拔

見郎官左中補

陳會

雲谿友議七

少師李固言相公在成都賓館則陳

會端公皆遠從可謂蓮幕之盛平曾每與諸公評論則

言笑彌日

北夢瑣言三

蜀之士子莫不酤酒慕相如

滌器之風也陳會郎中家以當壚爲業爲不掃街官吏

毆之其母甚賢勉以脩進不許歸鄉以成名爲期每歲
餼糧紙筆衣服僕馬皆自成都齎至郎中業八韻唯蝗
螂賦大行太和元年及第李相固言覽報狀處分廂界
收下酒施闔其戶家人猶拒之遂巡賀登第乃聖善獎
訓之力也後爲白中令子壻西川副使連典彭漢兩郡
而終 文苑英華八百六十八 陳會彭州九隴縣再建龍興
寺碑予剖符是郡星欲二周當在大中復寺之時

李元

見郎官
戶外

崔嘏授蕭鄴李玄監察御史制勅御史府

居朝廷之中傑出他署蓋以圭表百吏糾繩四方故選
其屬者必在堅明勁峭臨事而不撓不獨取謹厚溫文

修整之度而已爾等皆以詩華升於俊秀從事賢侯之

府馳聲館閣之中籌畫居多操持甚固是宜持此霜簡

峻其風標使避馬之謠不獨美於桓典埋輪之志無所

愧於張綱勉服寵榮無忘職業可依前件

文苑英華三百九十五

張萱

見郎官金中又見下

劉芬

見陰左稜又見下

楊釗

見陰下層又見下又陰額知雜

舊食貨志開元二十五年以殿中

侍御史爲水陸運使 國忠傳天寶初擢授監察御史

驟遷檢校度支員外郎兼侍御史 楊慎矜傳天寶六

載十一月詔侍御史楊釗等同鞠慎矜獄 會要

八十

天寶四載八月楊釗除殿中侍御史充水陸轉運使

胡曼倩

見右稜

李彥允

見左側又見下

李彥超

見右稜

王維

見陰下層又右稜又陰左稜

柳奕

舊禮儀志

四

天寶十載正月遣太子中允柳奕祭

西海廣潤王

大唐郊祀錄同

李抗

見左側又見下

崔倫

見郎官吏外又見下

賀遂回

李宓 舊元宗紀天寶十三載六月侍御史劍南留後李
宓率兵擊雲南蠻于西洱河糧盡軍旋馬足陷橋爲

羅鳳所擒舉軍皆沒 南詔蠻傳天寶十二載劍南節
度使楊國忠奏徵天下兵俾由後侍御史李宓將十餘
萬輦餉者在外涉海瘴死者相屬於路天下苦之宓復
敗於太和城北死者十八九 舊楊國忠傳天寶十載
楊國忠又使司馬李宓率師七萬再討南蠻渡瀘水爲
蠻所誘至和城不戰而敗宓死於陳國忠又隱其敗以
捷書上聞自鮮于仲通李宓再舉討蠻徵發皆中國利
兵然土風不便沮洳之所陷瘴疫之所傷饋餉之所乏

物故者十八九凡舉二十萬眾棄之死地隻輪不還人

銜冤毒無敢言者

盧霸

見郎官封中補

崔審文

趙蕃 舊李德裕傳會昌三年二月上令德裕草制處分

回紇事趙蕃奏黠戛斯攻安西北庭都護府不言何官

唐撫言爲等第後久方至十三年有趙蕃 李德

裕有與回紇扼斯可汗書稱令太僕卿兼御史中丞趙

蕃持節充使

崔沖

見陰右稜又左側

吳口之

見郎官主外疑是豸之

舊韋陟傳天寶十二載楊國忠引

河東人吳口之謂曰子能使人告韋陟吾以子爲御史
豸之曰能乃告陟與御史中丞吉溫結託欲謀陷朝廷
舊吉溫傳天寶十三載冬楊國忠諷評事吳豸之使
鄉人告韋陟饋吉溫及權貴

姚閑

賈彥璋

見陰下層

穆庭斐

盧鉉

見祠中補

舊楊慎矜傳天寶六載十一月詔殿中侍御

史盧鉉等鞠慎矜獄

新王鉉傳盧鉉者本以御史事

韋堅爲判官又爲王鎡開廐判官後眾疾其反覆貶廬
江長史卒 舊吉溫傳吉溫按楊慎矜侍御史廬鉉同
其事鉉初爲御史作韋堅判官又爲王鎡開廐判官貶
廬江長史卒

羅文信

見陰
右稜

李喬年

見侍
御

王伋

張曉

見監
察

崔倫

見重

李抗

見重

蔡九臯

見陰下層無考

蔣冽

見陰右稜

張光奇

見侍御

趙輝庭

見監察無考

賀遂回

趙良器

見郎官倉外又見下

源少良

見陰下層

王鋐

見左側又見下又陰額知雜

新楊慎矜傳鋐爲侍御史由慎矜

所引

舊傳王鋐入臺時慎矜爲臺端亦有推引

盧執顏

見陰下層又陰額知雜

鄭審

見陰右稜

會要

八十

開元二十八年正月十三日令兩

京道路並種果樹令殿中侍御史鄭審充使 大唐傳

載鄭公審開元中爲殿中侍御史充館驛使令每傳舍

立辰堠自公始也

楊恂

見郎官左中

陽潤

見嚴中

姚子彥

見嚴中

鄔元昌

見監察又見下 錢案全文有鄔府君墓誌銘文稱唐故侍御史某之次孫文雖不名當是元昌也

文又稱長子頌遠北自維揚旋於海昌則元昌當是海昌里人也

李光輔

王信

見陰右稜又見下

蘇震

又見下

元和姓纂

十一模

虞部郎中國子司業蘇冰生

震吏部侍郎河南尹

新蘇詵傳詵子震以蔭補千牛

累遷殿中侍御史長安令

王璵

見殿中又陰下層

新傳開元末擢太常博士侍御史爲祠

祭使

英華賈至有投王璵祠部郎中並侍御史制

任淳

王光太

見郎官勳中補又見下

司馬垂

見郎官戶外又見下

羅希奭

見陰下層

姜超口

蔣演

見陰右稜

呂指南

見左側

鄭章

見左側

鄭炅之

見郎官吏外

邵瓊之

見監察

吳伋

見郎官金外

杜孝友

新表濮陽杜氏玄宗相暹子孝友殿中監舊

杜暹傳開元二十八年杜暹卒尙書省及故吏賻贈者

子孝友遵素約皆拒而不受又博士裴摠執議暹諡請

依舊爲貞肅孝友又詣闕陳訴上聞更令所司詳定竟

諡曰貞孝

新傳
畧同

曾崇穎

見左
側

崔□

王興

楊日休

見陰
下層

黃□

□□

韓賞

見陰下層
又右稜

楊釗

重見又陰
額知雜

平冽 舊楊慎矜傳天寶六載十一月監察御史平冽齋

敕至大理寺賜楊慎餘死 安祿山傳平冽等在幕下

慶緒以平冽為宰相

鉞案杜詩石研詩原注平侍御者即此人

石刻顏真

卿東方先生畫贊碑陰記真卿去歲拜此郡屬殿中侍

御史平公冽以河北採訪使東平王判官巡按押至天寶

十三載山東陵縣

鄭欽說

見左稜

蘇震

重見

獨孤問俗 舊安祿山傳天寶中祿山兼領三道節度引

獨孤問俗在幕下 嘉話錄趙璟是姚曠女壻姚與獨

孤間俗善因託之得湖南判官累奏官至監察蕭相復
代問俗爲潭州又留爲判官至侍御史

廣記一百五十二

劉彙 舊肅宗紀至德二載正月甲寅以永王傅劉彙爲
丹陽太守兼防禦使 舊子玄傳子給事中尙書右丞
左散騎常侍荆南長沙節度有集三卷 劉滋傳大厯
中官左散騎常侍 舊盛王琦傳天寶十五載六月元
宗幸蜀路除盛王廣陵大都督仍領江南東路及淮南
河南等路以前江陵大都督府長史劉彙爲副

貞錫

元和姓纂

文二十

員太乙生錫越州刺史臨汾人

舊書韋元甫傳採訪使韋陟奏韋元輔充支使與判

官員錫齊名錫詳于訊覆陟推口待之時謂之員推

舊吉溫傳天寶十三載冬溫判官員錫貶新興尉羅

希夷傳天寶十四載以員錫等流貶皆於始安太守羅

希夷或令假攝詔決杖遣司直宇文審往監之新羣

陟傳涉爲河南採訪使以判官員錫善訊覆時號員推

陟倚任之廣異記開元中開十八里河有五色蟄龍

御史貢錫拔其一鬚唐會稽太守題名記員錫自職

方郎中授充觀察團練使不之任

會稽掇英
總集十八

王端

又見
下

權德輿唐故尚書工部員外郎贈禮部尚書

王公神道碑銘公諱端字某太原人舉進士宏詞連中

甲科授崇文館校書郎累遷監察御史殿中侍御史工

部員外郎

權載之文集十七

又唐故尚書工部員外郎贈禮

部尚書王公改葬墓誌銘天寶十年拜監察御史十三

年轉殿中侍御史俄以本官內供奉贊東京畿採訪之

重十四年遷工部員外郎

又二十四

石刻大唐易州鐵像

碑頌崇文館校書郎王端撰

開元二十七年直隸易州

新王紹

傳父端第進士有名天寶間與柳芳陸據殷寅友善終

工部員外郎李絳兵部尚書王紹神道碑父端工部

員外郎及公貴累贈禮部尚書

文苑英華八百九十七

沈震

見左

趙克忠

見佐

源消

見郎官吏中又見下

楊玘

見左側又見下

□□

□□

李暕

見左側

李舒

見左側

張□

馮損

見左側

蔡希周

見左稜

韋□□

□□□

李抗

又見下

司馬垂

見重

侍御史楊慎矜

見左稜 陰右稜 左側侍御兼殿中又陰額知雜

穆庭斐

王光大

見重

□□□

李彥允

見重

張萱

見重

趙良器

見重

王拱

見左側又見上
又陰額知雜

鄔元昌

見重

黃麟

側見左

劉芬

見重

崔浩

見郎官
封中

王佖

見重

許遠

見左稜
又見下

李遇

側見左

許遠

見重

宋銍

楊玘

重見

源洧

重見

李彥允

重見

□□□

裴周南

新表中眷裴氏皎然子周南監察御史

舊高

仙芝傳天寶九載河西節度使安思順被代諷羣胡割

耳勞面請留監察御史裴周南奏之 范傳正唐左拾

遺翰林學士李公新墓碑時人又以公及賀監汝陽王

崔宗之裴周南等八人爲酒中八仙

李太白文集一

王端

重見

張瑄

見左側又陰頴知雜

□□

李抗

三見

元恕□

韋黃裳

舊肅宗紀乾元元年十二月甲辰以昇州刺史

韋黃裳爲蘇州刺史浙西節度使 新表韋氏逍遙公

房河南府參軍贏金子黃裳昇州刺史 王鉷傳天寶

中萬年尉韋黃裳等常於廳事貯錢數百繩名倡珍饌

常有備擬以侯王鉞子準所適 新韋博傳祖黃裳浙

西節度觀察使 廣異記上元中衛州刺史韋黃裳與

韋廣濟爲從兄弟黃裳暴卒其年呂延之爲浙東節度

太平廣記三百七十七李白有贈韋侍御黃裳詩英華二百五十一

劉芬重見

元從新表給事中通理子從右司員外郎姓纂從備右司員外郎壽

州刺史李鄴故歙州長史隴西李府君則墓誌銘夫

人河南元氏壽州刺史從之女李文公集十五

王元口

皇甫先見右稜陰左稜有皇甫先

李之芳見右稜陰左稜

監察御史房休文苑英華百五十三高適有苦雨寄房休集六

作 四 昆季詩

崔倫 見重

鄭日進

李□

盧□□

楊式南

郭順□

□□

□□

碑額題名

德宗至
憲宗

監察御史

鄭權

見郎官倉中

舊傳德宗時自試衛佐擢授行軍司馬御

史宗丞入朝為倉部郎中累遷至河南尹

李師素 新宗室表畢王房有殿中侍御史師素失世系

相表又有趙郡李氏東祖房德璉子非

令狐楚有省中直夜對雪寄李

師素侍郎詩

鉞案侍郎疑侍御之訛其詩有云素花凝粉署清氣繞霜臺一指尚書省一指御史

臺也

蕭佐

常署

疑著

崔宣

見侍御

李拯

見郎官考中補案時代不合

皇甫衡

見郎官倉外

李樞

新表大鄭王房泗州刺史孟準子檢校虞部員外

郎兼侍御史樞

文苑英華九百二十三李軫泗州刺史李君神道碑同

石刻上

元元年十二月華陰縣令王客同謁嶽祠書記京兆府

漢驍參軍李樞書

陝西華陰

寶泉通書賦注皇室李權金

州刺史弟樞侍御史工小篆

楊翽

見郎官倉外

羅讓

見郎官吏外又陰額監察

舊孝友傳自淮南節度使李鄘從事

除監察御史轉殿中

賈全

見郎官
戶外

德宗賈全等不必避嫌詔賈全等十人昨

緣畿內州殘親自選擇事非常例不令避嫌

大詔令

陸

贄除畿內十縣令制稱賈全可咸陽令並監察御史

陸宣

公集

薛貢

見郎官
左外

盧深咸

崔鄆

見郎官
勳外

舊傳累遷監察御史三遷考功郎中

鄭衮

新表鄭氏北祖房成武尉昂子衮金鄉丞

韋璋

新表韋氏逍遙公房洋州刺史寡尤子璋湖州刺

史

吳興志韋璋顯慶五年自少府監授卒官

統記云
神龍三

年自博州

刺史授

鄭膺甫

見郎官度中

段平仲

見郎官金中

舊傳德宗時自滑州從事入朝為監察

御史貞元十四年坐廢

陳歸

見郎官考外補

韋顥

見郎官金中又陰額知雜

獨孤朗

見郎官左中

舊傳自興元戶曹入為監察御史轉殿

中元和十五年兼充史館脩撰都官員外郎

新傳

元

稹獨孤朗授尚書都官員外郎制殿中侍御史充史館

脩撰獨孤朗可尚書都官員外郎依前史館脩撰餘如

故

元微之文集四十七

李翱獨孤常侍墓誌自興元府倉曹參

軍三年口微入爲監察御史改京兆府司錄參軍遷殿

中尋加史館修撰入省爲都官員外郎

李文公集十四

崔鄴

見郎官倉外

舊傳元和中歷監察御史

口口道

劉元質

元和姓纂

十八

劉庭琇孫元質殿中御史沛國

相縣人

馬暢

舊傳以父蔭累遷至鴻臚少卿終少府監

新傳同

新表馬氏德宗相燧子暢少府監元和姓纂司徒兼

侍中北平郡王燧生暢少府監

韋貞伯 新表韋氏小逍遙公房虞部員外郎逢子貞伯

給事中 新袁滋傳部官以盜金下獄袁滋直其冤御

史中丞韋貞伯聞之表為侍御史 新劉滋傳貞元中

御史中丞韋貞伯劾奏吏選不實吏部尚書劉滋覆疏

并吏因得為姦詔與侍郎杜黃裳奪階會要七十四在貞元九年正月

陸贄優恤畿內百姓并除十縣令詔韋正伯可藍田

縣令兼監察御史陸宣公集四今本脫此句依周必大承明集四經筵故事二補詳勳外寶

申 李翱獨孤常侍墓誌夫人京兆韋氏給事中貞伯

之女李文公集十四 唐書曰貞元初以藍田縣令韋貞伯為

舒州刺史錄善政也賜馬一疋并綵物衣服以遺之太平

吳丹 白居易故饒州刺史吳府君神道碑銘君諱丹字
真存以進士第入官歷正字協律郎大理評事監察殿
中侍御史太子舍人水部庫部員外都官駕部郎中諫
議大夫大理少卿饒州刺史寶厯元年六月某日薨於
官次白氏文集六十九 昌黎集有奉使常山早次太原呈副
使丹郎中詩方云公使鎮州吳丹以駕部郎中副行
又有夕次壽陽驛題吳郎中詩後詩

盧虔 舊盧從史傳父虔舉進士歷御史府三院刑部郎
中江汝二州刺史祕書監 白居易祭盧虔文維元和

四年歲次己丑七月日皇帝遣某官某以清酌庶羞之
奠致祭於故祕書監贈兵部尙書盧虔 宣室志故右
散騎常侍盧虔貞元中爲御史分察東臺 會要八贈
兵部尙書盧虔諡靈愍

裴復

新表洗馬裴氏御史中丞曠孫

見侍御

諫議大夫虬

子復字茂紹河南少尹

韓愈河南少尹裴君墓誌銘

舉賢良自徐州書記三遷至侍御史入朝歷殿中侍御

史累遷至刑部郎中疾病改河南少尹輿至官若干日

卒寶元和三年四月二十三日享年五十

昌黎先生集二十四

會要

七十

貞元元年九月賢良方正能直言極諫科裴

復及第 新鮑防傳貞元元年策賢良方正得裴復等
世美防知人

孫革 舊刑法志長慶二年官刑部員外郎 舊張茂宗

傳元和中詔監察御史孫革往按岐陽馬坊茂昭誣革

所奏不實罷官

新傳同

新孝友康買得傳穆宗世有刑

部侍郎孫革

會要

三十

長慶三年正月刑部又奏請

本司員外郎孫革等詳正勅格

又

六十

太和四年十

一月左庶子孫革有當司典膳等五局郎吏部不得更

法擬流外人奏

韓翃有送孫革及第歸江南詩

于申

新表于氏工部尚書頴子申屯田員外郎

柳宗

元先君表陰先友記于申河南人至尙書郎

河東先生集十二

徐宏毅

新表北祖上房徐氏號州別駕縝子宏毅大理

評事

元和姓纂宏毅侍御史

會要

七十

貞元四年四月賢良方

正能直言極諫科徐宏毅及第十年十二月又及第

緯畧

同

裴次元

見郎官吏外

盧侃

見郎官封中

梁肅京兆府司錄西廳盧氏世官記今戶

部郎侃始遠哲昆聯事之嫌詔解柱後惠文以就斯職

文苑英華八

百三十一

李宣

趙憬傳貞元中萬年縣令李宣爲裴延齡構陷將

加斥逐趙憬保護救解之故從輕貶 舊憲宗紀下元
和十一年九月辛巳貶屯田郎中李宣忠州刺史爲補
闕張宿構言與韋貫之朋黨故也 北夢瑣言李宣宰
陽縣 新韋貫之傳李宣等坐與貫之厚善貶爲州刺
史

崔師本 新表崔氏清河小房岳子師本不詳歷官 國
史補下 今之博戲有長行其工者近有渾鎬崔師本首
出 又洛陽令崔師本又好爲古之檇蒲

李儋 新表隴西李氏姑臧大房給事中昇期子儋殿中
侍御史 韋應物有贈李儋詩又將發江淮寄李十九

儋詩又贈李儋侍御詩

韋蘇州集

唐武

見郎官倉外又陰額知雜

新蔣父傳憲宗時更侍御史唐武名

曰慶

殷台

見郎官左中又陰額知雜

劉師光

封外有劉師老

嚴澗

見郎官金中

常仲儒

見郎官吏中

碑陰額題名

知雜御史

自天寶元載已後

孫景商

新表武邑孫氏白馬令起子景商天平節度使

檢校禮部尙書諡曰康

新孫偃傳父景商

爲天平軍節度使

崔罕

見郎官度中

殷台

見碑額監察

楊嗣復

見郎官吏中補二傳失載

張士階

見郎官封中

楊泰

新表楊氏越公房榮子泰駕部郎中

路異

見郎官金外

楊慎矜

見左稜陰右稜側右側侍御兼殿中

舊傳自監察御史丁父

憂開元二十六年服闋累遷侍御史在臺數年又專知

雜事天寶二年遷權判御史中丞充京畿採訪使

新傳畧同

王鉞 見左側 侍御兼殿中 右側

張瑄 見左側 侍御兼殿中 右側

楊釗 見陰下層 侍御兼殿中 右側

崔寓 見陰下層 侍御兼殿中 右側

盧執顏 見陰下層 侍御兼殿中 右側

吉溫 見殿中

顏真卿 見監察

裴冕 舊傳天寶中御史中丞王鉞充京畿採訪使自渭

南縣尉表為判官遷監察御史歷殿中侍御史 舊王

鉞傳天寶十一載四月楊國忠聞王鉞反狀侍御史裴

晃恐鐸引鋌叱冒鐸云云

新傳
畧同

華

又見
下

韋執誼翰林院故事開元二十六年始以翰

林供奉改稱學士自後中書舍人竇華等相繼而入焉

又云開元已後竇華自中人充丁居晦重修承旨學

士壁記開元後竇華中書舍人充

翰苑羣
書上

舊楊國忠

傳天寶十一載楊國忠兼吏部尙書所昵中書舍人竇

華等諷選人於省門立碑以頌銓綜之能又云國忠黨

翰林學士竇華等皆坐誅滅舊韋見素傳天寶十三

載元宗命楊國忠精求宰輔國忠訪於中書舍人竇華

華言見素方雅柔而易制

新傳
同

張惟一

見陰下層

崔瓘

見左側

顏允臧

見左側

韋審規

見郎官左中

韋中立

新表韋氏彭城公房唐州刺史彪孫中立不言

厯官

唐武

見碑額監察

高宏簡

見郎官度中

舊高元裕傳開成四年御史中丞高元

裕上言御史官屬不稱者侍御史高宏簡等以不稱出

爲府縣之職

劉孺之

見郎官封外

馬錫

元和姓纂

三十馬

慶州都督馬瓊生錫諫議大夫號

州郊郡人

常袞授馬錫少府少監制中散大夫諫議

大夫賜紫金魚袋馬錫厯官有政居必修明擢登諫列

屢獻忠讜言皆展意事亦主文勤職且淹以時敘進可

守少府少監散官賜如故

文苑英華三百九十九

姚喬榘

見郎官左中

鄭昂之

郎官吏中補有鄭昂

新外

楊國忠傳國忠雖當國常領劍

南召募使遣戍廬南歲遣鄭昂等以御史迫促郡縣召

募

舊楊國忠傳天寶十一載楊國忠兼吏部尙書所

昵侍御史鄭昂等諷選省門立碑頌國忠銓綜之能

又國忠求安樂山陰事圍捕其宅得李超安岱等使侍

御史鄭昂縊殺於御史臺

趙口

侍御史楊申

新表楊氏刑部郎中孚孫

見侍御

黃裳子申

侍御史

盧虔

監察御史敬騫

新表敬氏御史大夫括子騫建州刺史

平致和

唐會要

七十

建中元年軍謀越眾科平知

疑致和

及第

同緯畧

李彤

見郎官度外

李鈇

見郎官戶外

馮邈

柳宗元祭李中丞文維貞元二十年歲次甲申五

月某朔二十二日故吏奉議郎行殿中侍御史馮邈等

河東先生集四十

羅讓

見右側

韋顥

見碑額監察

張莒

見郎官吏外補

嘉話錄慈恩題名起自張莒

廣記二百五十六

鄭楚相

舊趙博宣傳德宗遣監察御史鄭楚相等充三

司使按鞫信州員外盧獄

賊案陝西澄城有貞元十四年澄城令鄭楚相德政碑稱

擢秀才第爲東觀校書郎歷緱氏長安尉而至于
宰是邑云云則是官御史當在十四年以後也 逸

史崔祐甫拜相時緱氏尉鄭楚相與公之表姪盧素敏

中外兄弟

太平廣記一百二十七

韓愈福先塔寺題名水部員

外鄭楚相叔敖等元和三年十月九日同遊

韓文遺集

裴竦 新表洗馬裴氏諫議大夫虬子竦不詳歷官

監察楊翹

武微 新表武氏少府監鄴公攸望孫澈

姓纂澈

洋州刺史

前定錄寶應二年戶部郎中裴諝出爲廬州刺史郡

有二遷客其一曰武微自殿中侍御史貶爲長史其一

曰于仲卿自刑部員外郎貶爲別駕

常著 新表新豐常氏禮部員外郎無名子著侍御史

常袞有叔父禮部員外郎常無名墓誌銘稱長子侍御

史 英華

蔣鍊 見郎官左外 任華有西方變畫讚文稱前殿中侍御史

蔣鍊 全唐文

長孫繹 紀聞云長孫繹之親曰鄭使君 廣記三百六十二 錢

起有春夜過長孫繹別業詩 又酬長孫繹藍田寄杏

詩

竇華 重見

邵說 見郎官勳中

袁濬

見郎官戶外

王洙 新表琅邪王氏定州刺史補子沐御史中

丞 寶慶四明志一 正元四年明州刺史王沐立夫子

廟見廟碑

新書王涯傳有從弟洙時代不合

殿中韋□

侍御史張□

鄭繁

見郎官左外

□□□子龜□之侍題

大中三年重陽□

趙云右四行題分置於螭首空處非至碑下不能見也

唐御史臺精舍題名考卷三

終

勞檢丁士諤校字

附錄

御史臺精舍記崔湜纂梁昇卿書讀其文則湜於佛可謂篤信者矣唐書列傳云桓彥範等當國畏武三思使湜陰伺其姦而三思恩寵日盛湜反以彥範等計告之遂遷三思速殺彥範等以絕人望因薦其外兄周利正以害彥範等又云湜貶襄州刺史以譙王事當死賴劉幽球張說救護得免後宰相陷幽求嶺表諷周利正殺之不果又與太平公主逐張說其餘傾邪險惡不可勝紀世言佛之徒能以禍福怖小人使不爲惡又爲虛語矣以斯記之言驗湜所爲可知也故錄之於此其碑首題名多知名士小字頗

佳可愛也

集古錄

御史臺精舍記唐中書令崔湜撰梁昇卿八分書漢承秦制御史爲丞相貳其後以寺隸之然立精舍以居書傳所見最先包咸東海立精舍敎授在西漢末顧曄謂此佛之所舍昔漢處摩騰洛陽西建精舍爲始誤也按釋書以靜居爲精舍致一爲精不使雜也古之齋心服形其居必有可默存者今人猶闢屋爲齋謂如齋戒以守獨不可以精舍名乎蕭摹之請興塔寺精舍詣二千石庾子興造佛寺因立精舍嶺南原明僧紹住弇榆山栖雲精舍此皆謂梵所居然書生立學昔傳此名豈致道之所惟精一得之耶

昔魏武嘗曰譙東五里卜築精舍秋夏讀書其後徐度折節學問精舍唐僧淵立精舍豫章阮孝緒以一鹿車爲精舍徐伯珍立精舍祛蒙山陳寔立精舍講授張邵戴嵩立黃鵠山竹林精舍張漢直其弟出精舍數里遇之伯珍蒙山立精舍則古人於其居以名自警思致其精也後世便以爲精舍皆寺湜之嗜利蔑學其可責以此哉

廣川書跋

漢史列傳具載包咸劉淑檀敷李充所立精舍而唐御史臺精舍史闕弗錄蓋彼四人者皆以講授諸生此則以率

黃文獻公集

浮屠氏故略之耳幸有此碑可存當時故事也

亦可寶也獨御史臺持憲之地乃立精舍倡諸繫者禮佛懺悔昔獄吏命祝咎繇范孟博猶非之況佞佛乎崔中令湜固盛言因利結四方緣矣不知附禁衛事發曳銀鐺時佛亦當庇引之否爲之一笑

并州山人四部稿

此梁昇卿追書崔湜人品殊污人齒頰而昇卿尙追書其文何也豈唐世重佞佛湜之立精舍于御史臺適投時好耶但昇卿分隸聲動一時束封朝覲碑史冊稱之今觀此碑名不虛耳 碑陰題侍御史并內供奉殿中侍御史並內供奉監察御史名共六百餘人參差不齊分書者五六人餘皆正書書有法不似后世胥吏書也

石墨鐫

碑陰題名表其上格曰侍御史并內供奉列盧懷慎等名
中格曰殿中侍御史并內供奉列崔湜等名下格曰監察
御史下有一并字下缺不全列陸景初等名其盧崔陸三
人姓名並八分書蓋梁筆也餘則正書乃後人續書之者
碑額空處前後皆有刻前刻監察御史及姓名後刻知
雜侍御史及姓名有自天寶元載以後七字按天寶三年
始改年爲載不當云元載恐是追書 宋趙彥衛雲麓漫
鈔曰唐有三院御史侍御史謂之臺院殿中侍御史謂之
殿院監察御史謂之監院 讀此文知唐時御史臺有獄
又於其旁立精舍援引釋典以勸人回心作善然考之舊

唐書開元十四年崔隱甫爲御史大夫在職強正無所迴
避自貞觀年李乾祐爲御史大夫別置臺獄有所鞫訊便
輒繫之由是自中丞侍御史以下各自禁人牢扉常滿隱
甫引故事奏以爲不便遂掘去之則其獄未幾而廢又言
溫造爲御史中丞大和二年十一月宮中昭德寺火宰臣
兩省京兆尹中尉樞密皆環立於日華門外令神策兵士
救之唯臺官不到造奏以臺有繫囚恐緣爲姦追集人吏
隄防所以至朝堂在後則又不知何時而復置也

新書隱甫傳云

其後患囚往來或漏泄復繫之府院云

宋時亦有臺獄曾肇記云始自開寶

五年

金石文
字記

唐自貞觀中李乾祐爲御史大夫別置臺獄囚當訊就近拘繫之其漸也侍御史東西推監察御史糾視刑獄各禁其囚迨武后時來俊臣侯思正皆爲御史制獄之外臺獄圜扉恒滿崔隱甫總臺務言於朝掘去於是旁列精舍以釋典讖之崔湜爲文梁昇卿書以八分開元十一年勒諸石碑陰列侍御史殿中侍御史監察御史并內供奉銜題名僅盧懷慎崔湜陸景初三人亦昇卿分書自懷慎以下正書百二十二人侍御史也自湜以下正書百八十四人殿中侍御史也自景初以下正書三百四十七人監察御史也碑額又有天寶元載以後侍御史知雜侍御史監察

御史共五十人而碑之左右椎拓不及焉中有薛侃侃者

二名重文碑凡三見此唐一代所僅有也昇卿自監察御

史厯殿中侍御史遷侍御史再遷太子右庶子

曝書亭集

朱彝尊云唐自貞觀中李乾祐爲御史大夫別置臺獄崔

隱甫總臺務言于朝掘去于是旁列精舍以釋典獄之按

舊唐書隱甫爲御史大夫在開元十四年碑云長安初湜

自右補闕拜殿中侍御史至止之日其構適就是去臺獄

作精舍在隱甫爲御史大夫二十餘年以前何得云自隱

甫始也

金石存

文云左臺精舍者諸御史導羣愚之所作也長安初湜自

左補闕拜殿中侍御史至止之日其構適就蓋自武氏稱制告密之法熾羅織之經行日殺無辜如對羊豕其後周興侯思止來俊臣之徒相繼付誅用刑稍平而歲繫臺獄者猶以千計於是執法之吏於獄旁作精舍假佛法以懺之雖云導人作善追災亦痛逝者之含冤地下不得已而爲資其冥福也

潛研堂金石文跋尾

碑高四尺一寸廣三尺七寸三分十八行行三十字隸書額題御史臺精舍碑六字篆書在西安府學 碑陰高二尺七寸廣二尺五寸三十一行分作三截書每截字數自十二至三十三不等其兩側一五行行五十七字一六行

行六十字各不等正書

按碑題御史臺精舍長安志載皇城承天門街之西第六橫街之北御史臺元和四年御史臺佛舍火罰直御史李膺一季俸料此佛舍似卽碑所謂精舍也文爲中書令崔湜任殿中侍御史日所簪湜之官中書令在先天元年八月其任殿中侍御史以修三教珠英得遷在神龍以前其罷中書令流竇州在開元元年七月行至荊州賜死此碑立于開元十一年距其簪文之日又十九年不知何因而追書其文以刻石也書碑者梁昇卿唐書附韋抗傳工八分書歷廣州都督碑陰題名上截凡侍御史并內供奉一

百二十二人殿中侍御史并內供奉四百九十七人下截
及左右棱不書官位者一百十九人中間撓入鄭韜會二
十七日寓直一行左側題一百三十三人右側題侍御史
兼殿中一百三十八人碑額題監察御史四十二人碑陰
額題知雜事御史五十一人而知雜事御史之下有云自
天寶元載已後則非開元十一年一時所刻矣揣其情當
由御史臺官因崔湜爲中書令追書湜之文欲刻臺中而
未果至開元十一年始爲刻石距湜之死又十一年矣碑
陰題名重複自再見以至三見四見者不一而足或因前
後屢任則屢書之然亦不盡符合者今撮舉數人與兩唐

書傳考之如顏真卿再見傳云開元中舉進士四命爲監察御史遷殿中侍御史轉侍御史据碑侍御史內不列真卿名殿中侍御史及知雜侍御史有之苗晉卿三見傳載進士擢第由萬年縣尉遷侍御史此後不云再任御史王維三見傳云開元九年進士厯監察御史後亦不云再任楊慎矜再見傳云開元中拜監察御史丁父憂二十六年服闋累遷侍御史授大理評事攝監察御史數年又專知雜事天寶二年權判御史中丞是不止於再任矣餘如鮮于仲通獨孤通理李彥超苗延嗣徐履道王翼張利貞達奚珣皆再見趙廣微三見李彥允四見皆無傳可考無從

定其合否大抵此碑出於吏胥工人之手殆不足深据也
題名中凡單名者姓下闕一格書令與二名者齊此例始
見於此

金石
萃編